



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis De
Chri//stianarum rerum memoria li-//bri decem**

Haimo <Halberstadensis>

Coloniae, 1531

VD16 H 224

De egregijs praelatis ecclesiae. Cap. VII

urn:nbn:de:hbz:466:1-29805

HAYMO DE CHRISTIA.

Post Ignatium Heros successit in episcopatum, quo tempore floret vir æque insignis, Quadratus, celebris in prophetica gratia, cuius etiam opuscula habentur.

DE EGREGIIS PRAEDICATORIBUS & PRÆLATIS ECCLESIAE.

Caput VII.

Longum est enumerare de singulis rectoribus, quæ fecerunt in ecclesijs post apostolos. Vnde illos commemorabimus, quorum fides ad nos peruenit & prædicatio, quorū exemplis erudita & solidata est ecclesia, qui ardentiore philosophia verbo dei se consecrarunt, & ad salutare præceptum primo indigentibus sua diuidentes, ad prædicandum expediti, euangelistarum functi sunt officio. Quos etiam, vt apostolos, in initio fidei comitata est spiritus sancti gratia, & miraculorum præpotens secutus est effectus. De quorum numero Cerdon Alexandrinus episcopus, de quo supra dictum est, quod xij. anno Traiani principatus obiit, succedit quidam Primus nomine, quartus ab apostolis.

Caput VIII.

Evaristus quoque Romanus pōtifex, post octo episcopatus annos obiit, Alexandro venerabili, & apostolico viro succedente.

Caput IX.

Interea crescente ecclesia, Iudæi seditionem mouentes Alexandriae & per Aegyptum, & per diuersas terras, digna & innumera cæde sternuntur sub Traiano.